

ՀԱՇՎԵՏՎՈՒԹՅՈՒՆ

2018 թվականի նոյեմբերի 26-28-ը Ավստրիայի Հանրապետություն գործուղման արդյունքների մասին

1. Անունը, ազգանունը.

Արման Պողոսյան

2. Զբաղեցրած պաշտոնը.

ՀՀ ֆինանսների նախարարի տեղակալ

3. Գործուղման վայրը և ժամկետները.

Վիեննա, Ավստրիայի Հանրապետություն, 2018 թվականի նոյեմբերի 26-28-ը

4. Հրավիրող կողմը.

Համաշխարհային Բանկ

5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Գործուղման նպատակն է՝ մասնակցությունը Համաշխարհային բանկի խմբի Ֆինանսական հաշվետվությունների բարեփոխումների կենտրոնի կողմից կազմակերպված «Բարձրորակ ֆինանսական տեղեկատվություն և տնտեսական ինտեգրացիա» խորագրով 2018թ. նախարարական համաժողովին և այդ համաժողովի շրջանակներում նախատեսված բարձրաստիճան պաշտոնյաների աշխատաժողովին:

Վերը նշված միջոցառումները նախատեսված են աջակցելու Ֆինանսական հաշվետվությունների բարեփոխումների կենտրոնի կողմից ֆինանսական

հաշվետվողականության ոլորտում իրականացվող ծրագրերի շահառու երկրներում հաշվապահական հաշվառման, ֆինանսական հաշվետվողականության և աուդիտի ոլորտների զարգացմանը:

6. Քննարկված թեմաները.

Վերը նշված միջոցառումների շրջանակներում քննարկվել են հետևյալ հիմնական թեմաները.

- STAREP (Արևելյան գործընկերության երկրներում աուդիտի և հաշվետվողականության կատարելագործում) ծրագրի շահառու երկրների կողմից հաշվապահական հաշվառման և աուդիտի ոլորտներում բարեփոխումների իրականացման փորձը.
- Ֆինանսական հաշվետվողականությունը և թափանցիկությունը տնտեսական ինտեգրման համատեքստում.
- Արժանահավատ ֆինանսական տեղեկատվության և ֆինանսական գրագիտության դերը.
- Ֆինանսական տեղեկատվությունը՝ որպես Եվրոպայում և Կենտրոնական Ասիայում տնտեսական ինտեգրացման կատալիզատոր.
- Միջազգային ստանդարտների դերը տնտեսական և ֆինանսական ինտեգրացման համատեքստում:

7. Հանդիպումները, ելույթները, բարձրացված կամ քննարկված հարցերը.

Համաժողովի շրջանակներում ներկայացվել են ՀՀ-ում իրականացված քայլերը հաշվապահական հաշվառման և աուդիտի ոլորտների արդյունավետ զարգացման ուղղությամբ՝ կարևորելով նման միջոցառումների դերը հատկապես այլ երկրների հաջողված փորձի կիրառման առումով:

Բացի այդ, տեղի են ունեցել հանդիպումներ Ավստրիայի Հանրապետության ֆինանսների նախարարի, STAREP (Արևելյան գործընկերության երկրներում

աուդիտի և հաշվետվողականության կատարելագործում) ծրագրի շահառու երկրների ներակայացուցիչների և Համաշխարհային Բանկի տարածաշրջանային ներկայացուցիչների հետ:

Քննարկվել են շահառու երկրներում հաշվապահական հաշվառման և աուդիտի ոլորտներում իրականացված բարեփոխումների ընթացքը, ինչպես նաև երկրներում ֆինանսական հաշվետվողականության որակի բարձրացման ուղիները:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

STAREP (Արևելյան գործընկերության երկրներում աուդիտի և հաշվետվողականության կատարելագործում) ծրագրի շահառու երկրների ներակայացուցիչների հետ պայմանավորվածություն է ձեռք բերվել իրականացնելու տեղեկատվության փոխանակում՝ հաշվապահական հաշվառման և աուդիտի ոլորտներում իրականացված բարեփոխումների ընթացքի վերաբերյալ:

Ավստրիայի Հանրապետության ֆինանսների նախարար Հարթվիգ Լոջերի և շահառու երկրների ֆինանսների նախարարությունների բարձրաստիճան պաշտոնատար անձանց հետ կայացած հանդիպման ընթացքում քննարկվել է Ֆինանսական հաշվետվությունների բարեփոխումների կենտրոնի և Ավստրիայի Զարգացման Համագործակցության դերը երկրներում ֆինանսական հաշվետվողականության որակի բարձրացման մեջ:

Հանդիպումներ են տեղի ունեցել նաև Համաշխարհային Բանկի տարածաշրջանային մի շարք ներկայացուցիչների հետ, որոնց ընթացքում քննարկվել են ՀՀ գրանցած հաջողությունները հաշվապահական հաշվառման և աուդիտի ոլորտների բարեփոխումների իրականացման մեջ:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Առաջարկվել է STAREP (Արևելյան գործընկերության երկրներում աուդիտի և հաշվետվողականության կատարելագործում) ծրագրի շահառու երկրների ֆինանսների նախարարությունների մասնագիտական ստորաբաժանումների միջև իրականացնել համապատասխան տեղեկատվության փոխանակում՝ հաշվապահական հաշվառման և աուդիտի ոլորտներում իրականացված բարեփոխումների ընթացքի վերաբերյալ:

10. Ստորագրությունը, ամսաթիվ

Ֆինանսների նախարարի տեղակալ՝

Արման Պողոսյան

30.11.2018թ.